

È perdunà

Sò cum'è sperenze d'amore
À infiarà mi tante vene
Vechji ricordi di dolore
À stringhje torna e catene
È po in core u rimore
Dice u male di e mio pene

Truvà a fede u curagiu
Circà è crede à un appaciu
È perdunà
Truvà a fede u curagiu
Circà è vede l'altru ragiu
È perdunà

Sò cum'è sperenze d'avvene
À dichjarà la in un ame
Senza lentà ciò chì ci tene
Ma move quant'è u levame
È a mio mente si n'invene
Di l'addisperi è di e brame

Truvà a fede u curagiu
Circà è crede à un appaciu
È perdunà
Truvà a fede u curagiu
Circà è vede l'altru ragiu
È perdunà